

Umiarsualiveqarnermut oqartussaanerup ingerlanneqarnera pillugu Namminersornerullutik Oqartussat nalunaarutaat nr. 14, 14. maj 2002-meersoq

Namminersornerullutik Oqartussat umiarsualiveqarfiutaannik sanaartorneq, aserfallatsaaliineq, ingerlatsineq il.il. pillugit Inatsisartut peqqussutaanni nr. 4-mi 29. oktober 1999-imeersumi § 4 tunngavigalugu makku aalajangersarneqarput:

§ 1. Umiarsualiveqarnermut qitiusumik oqartussaaneq Naalakkersuisut ingerlataat.

Imm. 2. Umiarsualiveqarnermik najukkani ataasiakkaani oqartussaanermit suliaasat ingerlanneqarnerat Naalakkersuisut piginnaatitsinerat malillugu pissaaq.

Imm. 3. Umiarsualiveqarnermut qitiusumik oqartussaasut najukkani ataasiakkaani oqartussaanermit suliaasanik ingerlatsisunut ilitersuinissaminnut piginnaatitaapput.

§ 2. Illoqarfiit Nanortallip, Qaqortup, Narsap, Paamiut, Nuup, Maniitsup, Sisimiut, Aasiaat, Qasigiannugit, Ilulissat, Ummannap, Upernaviup Tasiilallu umiarsualiviini umiarsualiveqarnermut oqartussaanermit suliaasat Royal Arctic Line A/S-ip ingerlataat.

Imm. 2. Illoqarfiit Kangaatsiap, Qeqertarsuup, Qaanaap, Ittoqqortoormiillu umiarsualiviini umiarsualiveqarnermut oqartussaanermit suliaasat KNI Pilersuisoq A/S-ip ingerlataat.

Imm. 3. Nunaqarfiit Narsarsuup Kangerlussuullu umiarsualiviini umiarsualiveqarnermut oqartussaanermit suliaasat Mittarfeqarfiit ingerlataat.

Imm. 4. Nunaqarfiit imm. 3-mi taaneqartut eqqaassanngikkaanni nunaqarfinni KNI Pilersuisoq A/S-ip sinniisuutitaqarfiini umiarsualivinni umiarsualiveqarnermut oqartussaanermit suliaasat KNI Pilersuisoq A/S-imit aamma ingerlanneqarput.

§ 3. Nalunaarut ulloq 15. maj 2002 atuutilerpoq.

Namminersornerullutik Oqartussat, ulloq 14. maj 2002

Jørgen Wæver Johansen

/

Jens K. Lyberth